

Surat khabar: Harian Metro (Setempat)

Hari/Tarikh: 7/9/2013

Muka surat: 14

Tajuk : Bersemangat Dalam Kekurangan.

14

SetempatSABTU
7 SEPTEMBER 2013**Harian Metro**

Bersemangat dalam kekurangan

Dua pelajar OKU berazam tidak sia-siakan peluang ke menara gading

Oleh Nur Nadia Hafiza
Jamaluddin
am@mediaprima.com.my
Kota Samarahan

Kecacatan fizikal tidak menghalang dua pelajar orang kelainan upaya (OKU) untuk melangkah ke menara gading apabila menerima tawaran melanjutkan pelajaran di Universiti Malaysia Sarawak (UNIMAS), di sini.

Nur Aziman Junaidi, 20, yang kehilangan kaki kanan akibat kemalangan jalan raya tahun lalu bersemangat meneruskan cita-cita sebagai pelajar baru untuk menggenggam segulung ijazah.

Menurutnya, dia seperti diberi peluang hidup kali kedua apabila mendapat tawaran melanjutkan pengajian di UNIMAS walaupun kini ber gelar OKU disebabkan kejadian menimpanya sebaik menamatkan pengajian di Kolej Matrikulasi Labuan.

"Pada mulanya memang

tidak dinasikan kecacatan ini hampir mematahkan semangat saya meneruskan hidup kerana memikirkan nasib dan masa depan. Namun, selepas mendapat tawaran melanjutkan pelajaran peringkat Sarjana Muda Pengurusan Korporat, ia memberi semangat baru dalam kehidupan dan tidak akan mensia-siakan peluang keemasan ini demi memastikan masa depan saya lebih cerah," katanya selepas menghadiri Majlis Ikrar Pelajar Baru UNIMAS, semalam.

Seramai 3,969 pelajar menghadiri program yang disaksikan Menteri Kebajikan, Wanita dan Pembangunan Keluarga negeri Datuk Fatimah Abdullah. Hadir sama, Naib Canselor UNIMAS Prof Datuk Dr Mohamad Kadim Suaidi.

Seorang lagi pelajar OKU Tea Suat Me, 21, berkata, kecacatan kekal dialaminya sejak berusia enam tahun akibat penyakit mata tidak me-

DUDUK dari kiri, Tea, Fatimah, Dr Mohamad Kadim dan Nur Aziman.



matakan semangatnya meraih kejayaan seperti orang normal. sebaliknya mendorongnya lebih tabah dan gigih berusaha.

"Walaupun terpaksa me-

nepuh cabaran dalam keadaan serba kekurangan, namun saya gembira kerana masih diberi peluang melanjutkan pengajian bagi menunaikan harapan keluarga

untuk melihat saya sebagai anak bongsu dan yang satu-satunya layak ke universiti," katanya yang mengikuti pengajian Sarjana Muda Sains Komputer.

Katanya, dia juga disediakan kemudahan pembelajaran lengkap seperti aplikasi khas untuk pelajar buta selain dibantu rakan lain bagi urus kehidupan harian.